

Payí Jono áwinimi eañinarini.

Payí rina Jono áwini e eañinarini. O xewanijoyá yoí miriní Jisasoyá siyikí imónigíáyo wipeñweañáoniyi niriniri ñwiráñiniginini. Ámá Jono nuriri payí eañíyí náni eni niriníná siñáni yoí mirí apixí wí tñni xegí niaíwí tñni náni niriniri eañiniginini. E neri aí “Jisasoyá siyikí imóniñí bi náni xwiýíxá niriniri eañírani?” yaiwiarinwárinini. Jisaso rixa añinami nipeyimáná xwiogwí aga obaxí nipwémáná eñáná Jono niñweañísáná rixa xweyañí neri añí yoí Epesasiyo niñweámáná payí rina eañiniginini.

¹ Jisasoyá siyikí imónigíáyo wipeñweañáoni apixíxí náni — Jíxi Gorixo xegí imóniría náni íá riyamixiníxirinini. Jíxi náni tñni dixí niaíwíyí náni tñni payí rina eañiniginini. Nioni gí xwióxíyo dání nepa diñí sixí seayiniginini. Nionini maríái, ámá xwiýíá nepaxiní imóniñípi náni niñíá nimóniro diñí wikwíroarigíáyí níni eni diñí sixí seayiníoi. ² Xwiýíá nepaxiní imóniñípi agwi ríná mimáyo tinirane ná ríwíyo aí sini tinirane yaníwá eñagi náni seyíné diñí sixí seayiníwini. ³ Ápo Gorixo tñni xewaxo Jisasi Kiraiso tñni awaú nepa diñí sixí nineayiríná nene píráníñí niwayirónirane ñweaaníwá náni neaiiri wá nineawianiri ayá nearimixiri episírini.

“Sekaxí o neariñípi axípi ni xídírixini.” uriní nánirini.

⁴ Nioni “Íyá niaíwí xwiýíá nepaxiní imóniñípi xixeni xídariñoi.” rariñagía aría niwiri náni “Ápo sekaxí nineariríná api xídírixiniri neariñípi tñni xixeni ría yariñoi?” niyaiwiri diñí niñá ninarini. ⁵ Apixíxini, jíxi íníná eríapi náni bi oririmini. Sekaxí siñí bi niriniri ríwamiñí meañiniginini. Eñíná dání nene aría wiñwápi — Ayí “Negí niriñímeáyo diñí sixí uyíwaniginini.” riniñípi jíxi éirixiniri náni niriniri eañiniginini. ⁶ “Ámáyo diñí sixí nuyiríná epaxípi pípiríani?” miyaiwipani. Nene negí niriñímeáyo diñí sixí nuyiranénáyí, o sekaxí neariñípi xixeni píráníñí xídariñwárinini. Sekaxí o neariñípi — Api seyíné eñíná dání aría wigíápirini. “Segí séríxímeáyo diñí sixí uyírixini.” neariñípirini. Api tñni xixeni axípi e éirixini.

“Kiraiso nearéwapiyiñipi xaiwíá xiríwanigini.” uriñi nánirini.

⁷Ámá obaxí rixa “Ámáyo yapí owíwapiyaneyi.” niyaiwiro xwíá rirími emeariñagía náni searariñini. Yapí raniro náni “Jisasi Kiraiso nepa ámá nimóniri xwíá tfoyo nene tíámini mibiñinigini.” rariñiñirini. E yariñiñiñi ámáyo yapí wíwapiyiri Kiraisomi xopirári wiminiri eri yariño tñi nawíni imóniñoi. ⁸Ayináni seyíne Jisasomi nixídiróna nigwíniñi wayíá meáwaniginiri aniñi miní ríá tñi egiápi surímá mimóni api nipini tñi xixeni mearo yayí seaimori eníá náni pírániñi siñwí tñi érixini. ⁹Ámá Kiraiso nearéwapiyiñipi sini aniñi xaiwí íá mixiri ámi wigí diñi tñi gíwí nímixiri rariñiñi gíyí gíyí, ayí Gorixo tñi nawíni imóniñiñi wímani. E neri aí Kiraiso riñipiñi xixeni íá nixiriri axípiñi rariñiñi gíyí gíyí, ayí xaniwímiraú tñi nawíni imóniñiñi wírini. ¹⁰Ámá “Jisasomi xídariniñi.” rinarigíá wí seyíne tíámini nibiro Kiraiso nearéwapiyiñipi axípi miripa yariñagía niwinirínayí, yayí niwimearo segí aníyo náni nipemeámi mipáwipa érixini. ¹¹Ayí ripi náni rariñini. Ámá e yariñiñi gíyí gíyí yayí niwimearínayí, íwí ayí yariñiñi axípi ayo eni uxímeaníá eñagi náni rariñini.

¹²Xwiyíá xwapí ayá wí tñi seyíne náni ríwamiñi eapaxí aiwi “Payí rinami meapa oemini.” nimónarini. “Nioni seyíne diñi níá aga seáyí e dáni seainíña náni nibiri niseáiameámáná xwiyíá axí e dáni rinaniwárinini.” niyaiwiri diñi ikwímoniñi. ¹³Dixí ririxímeái —Í eni Gorixo xegí imóniñiñi íá uyamixiniñi. Íyá niaíwíyí payí rinami dáni yayí seaiwárenariñoi.